



აკაკი წერეთლის სახელმწიფო
უნივერსიტეტის აკადემიური საბჭო

ACADEMIC BOARD OF AKAKI
TSERETELI STATE UNIVERSITY

თამარ მეფის ქ. № 59
მის: 4600, საქართველო, ქუთაისი

ტელ: (+995 331) 4 21 73 ფაქსი (+995 331) 4 38 33
ელ.ფოსტა atsu@atsu.edu.ge

აკაკი წერეთლის სახელმწიფო უნივერსიტეტი

აკადემიური საბჭო

30 ნოემბერი, 2012

დადგენილება № 36 (12/13)

**პროფესიულ საგანმანათლებლო პროგრამებზე გასაფორმებელი ხელშეკრულების ფორმის
დამტკიცების შესახებ**

პროფესიულ საგანმანათლებლო პროგრამებზე გასაფორმებელი ხელშეკრულების ფორმა
დამტკიცდეს თადართული სახით.

აკადემიური საბჭოს

თავმჯდომარე, რექტორი:

პროფ. გიორგი ღავთაძე



ხელშეკრულება №12 პ 1

პროფესიულ საგანმანათლებლო პროგრამაზესწავლების შესახებ

ქ. ქუთაისი

„8“ „ოქტომბერი“ „2012“ წ.

არასამეწარმეო (არაკომერციული) იურიდიული პირი - აკაკი წერეთლის სახელმწიფო უნივერსიტეტი (შემდგომში ხელშეკრულების ტექსტის მიხედვით - უნივერსიტეტი), მისი რექტორის, პროფესორ გიორგი ღვთაძის სახით, მოქმედი „არასამეწარმეო (არაკომერციული) იურიდიული პირის - აკაკი წერეთლის სახელმწიფო უნივერსიტეტის წესდების დამტკიცების შესახებ“ საქართველოს განათლებისა და მეცნიერების მინისტრის 2011 წლის 28 დეკემბრის № 217/ნ ბრძანების საფუძველზე, ხოლო მეორე მხრივ ----- (შემდგომში - პროფესიული სტუდენტი), პირადი ნომერი **60001135304** მცხ.: **ქუთაისი, ზ.ბუკიას 5/67**, ურთიერთშეთანხმების საფუძველზევედებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. უნივერსიტეტი „პროფესიული განათლების შესახებ“ კანონისა და უნივერსიტეტის წესდებით განსაზღვრული წესით ჩარიცხავს პროფესიულ სტუდენტს - ----- პროფესიული საგანმანათლებლო პროგრამის გასავლელად. პროგრამის სწავლება ითვალისწინებს დადგენილი კრედიტების რაოდენობის ათვისებას შესაბამისი კვალიფიკაციის მინიჭებისათვის, ხოლო პროფესიული სტუდენტი აუნაზღაურებს უნივერსიტეტს პროფესიული საგანმანათლებლო პროგრამით სწავლების უნივერსიტეტის მიერ განსაზღვრულ ღირებულებას საქართველოს კანონმდებლობით დადგენილი წესით.
- 1.2. უნივერსიტეტი ჩარიცხავს პროფესიულ სტუდენტს ----- ფაკულტეტის პროფესიული საგანმანათლებლო პროგრამის ----- სპეციალობის **IV** საფეხურზე.
- 1.3. პროფესიული სტუდენტი წლიურად გადაუხდის უნივერსიტეტს პროფესიული საგანმანათლებლო პროგრამის სწავლების საფასურს **1500** ლარის ოდენობით.

მუხლი 2. უნივერსიტეტის უფლებები და ვალდებულებები

- 2.1. უნივერსიტეტი ვალდებულია უზრუნველყოს პროფესიული სტუდენტი ყველა სახის საგანმანათლებლო მომსახურებით ----- პროფესიული საგანმანათლებლო პროგრამის შესაბამისად. თუ აკრედიტირებულ პროფესიულ საგანმანათლებლო პროგრამას შეუწყდა სახელმწიფო აკრედიტაცია, ხელშეკრულებით განსაზღვრული პირობები შესრულდება მოქმედი კანონმდებლობის შესაბამისად.
- 2.2. უნივერსიტეტი უზრუნველყოფს პროფესიული სტუდენტის მიერ პროფესიული საგანმანათლებლო პროგრამის ათვისებაში ხელშეწყობას კანონმდებლობით დადგენილი წესის და პროფესიული სტანდარტების შესაბამისად.
- 2.3. უნივერსიტეტი აწვდის პროფესიულ სტუდენტს ყველა სახის ინფორმაციას, რაც დაკავშირებულია პროფესიული სტუდენტის მიერ შესაბამისი პროფესიული საგანმანათლებლო მომსახურების მიღებასთან. უნივერსიტეტი იღებს ვალდებულებას უნივერსიტეტში პროფესიული სტუდენტის საგანმანათლებლო მომსახურების ხარისხზე. გასცემს მასზე შესაბამის დოკუმენტებს, რაც ადასტურებს პროფესიული სტუდენტის ჩარიცხვასა და სწავლებას;
- 2.4. პროფესიულ სტუდენტს, რომელიც პროფესიული საგანმანათლებლო პროგრამის წარმატებით დასრულების შემდეგ დააგროვებს პროფესიული საგანმანათლებლო პროგრამით განსაზღვრული კრედიტების რაოდენობას, მას ენიჭება ----- **პროფესიული** კვალიფიკაცია.

უნივერსიტეტი ვალდებულია მასზე გასცეს პროფესიული განათლების დამადასტურებელი სახელმწიფო დოკუმენტი - პროფესიული დიპლომი.

- 2.5. უნივერსიტეტი პროფესიულ სტუდენტს აძლევს საშუალებას ისარგებლოს უნივერსიტეტის ყველა იმ რესურსით, რაც უკავშირდება სასწავლო პროცესს და აუცილებელია შესაბამისი პროფესიული საგანმანათლებლო პროგრამის შედეგების მიღწევისათვის, დადგენილი წესების შესაბამისად.
- 2.6. უნივერსიტეტის უზრუნველყოფს სასწავლო პროცესის წარმართვას დადგენილ ვადებში შესაბამისი პროფესიული საგანმანათლებლო პროგრამებითა და სილაბუსებით.
- 2.7. უნივერსიტეტი უფლებამოსილია პროფესიული სტუდენტისგან მოითხოვოს იმ ზიანის ანაზღაურება, რაც გამოწვეული იქნა პროფესიული სტუდენტის არამართლზომიერი ქმედებით.

2.8. უნივერსიტეტის უფლებამოსილია შეწყვიტოს ან შეაჩეროს პროფესიული სტუდენტის სტატუსი არსებული საქართველოს კანონმდებლობის შესაბამისად და უნივერსიტეტის მართვის ორგანოების მიერ მიღებული აქტების საფუძველზე.

მუხლი 3. პროფესიული სტუდენტის უფლებები და ვალდებულებები

- 3.1. პროფესიული სტუდენტი ვალდებულია დაიცვას მოქმედი კანონმდებლობა, უნივერსიტეტის წესდება, წინამდებარე ხელშეკრულება, უნივერსიტეტის შინაგანაწესი, ეთიკის კოდექსი და სხვა შესაბამისი აქტები, რომლებიც არეგულირებენ უნივერსიტეტში სასწავლო პროცესს. პროფესიული სტუდენტი ვალდებულია შეასრულოს კანონმდებლობით და უნივერსიტეტის მართვის ორგანოების მიერ მიღებული აქტები, რომლებიც არეგულირებენ სასწავლო პროცესს.
- 3.2. პროფესიული სტუდენტი ვალდებულია სათანადოდ შეასრულოს შესაბამისი პროფესიული საგანმანათლებლო პროგრამისა და ცალკეული სასწავლო კურსის სილაბუსით გათვალისწინებული მოთხოვნები.
- 3.3. პროფესიული სტუდენტი ვალდებულია სრულად დაფაროს პროფესიული საგანმანათლებლო პროგრამის ერთი წლის სწავლების საფასურს ხელშეკრულებით დადგენილი წესით (სახელმწიფოსაგან თანადაფინანსების შემთხვევაში ეს უკანასკნელი მცირდება თანდართულ სერტიფიკატში ასახული პროცენტის შესაბამისი თანხით).
- 3.4. პროფესიული სტუდენტი ვალდებულია სასწავლო წლის სწავლის საფასურის გადახდა განახორციელოს სასწავლო წლის განმავლობაში 4 თანაბარ ნაწილად არაუგვიანეს შემდეგ რიცხვებისა:
- ა) თანხის I ნაწილი ---- ლარის ოდენობით - არაუგვიანეს 30 სექტემბრისა;
 - ბ) თანხის II ნაწილი ---- - ლარის ოდენობით - არაუგვიანეს 30 დეკემბრისა;
 - გ) თანხის III ნაწილი ---- ლარის ოდენობით - არაუგვიანეს 30 მარტისა;
 - დ) თანხის IV ნაწილი ---- ლარის ოდენობით - არაუგვიანეს 30 ივნისისა.
- 3.5. სახელმწიფოსაგან თანადაფინანსების შემთხვევაში, პროფესიული სტუდენტი მის მიერ გადასახდელ თანხას იხდის 3.4. პუნქტით დადგენილ ვადებში ოთხ თანაბარ ნაწილად.
- 3.6. პროფესიული სტუდენტი ვალდებულია უნივერსიტეტის წინაშე წარმოქმნილი ფინანსური ვალდებულება დაფაროს დროულად და სრულად.
- 3.7. იმ შემთხვევაში, თუ პროფესიულმა სტუდენტმა პროფესიული საგანმანათლებლო პროგრამა ვერ აითვისა შესაბამისი კანონმდებლობით დადგენილ ვადაში, იგი ვალდებულია გადაიხადოს სემესტრის სწავლის საფასური შესაბამისი სასწავლო წელს შესაბამისი პროფესიული საგანმანათლებლო პროგრამისათვის განსაზღვრული მოცულობით.
- 3.8. სწავლის საფასური გადაიხდება უნაღდო ანგარიშსწორებით საბანკო დაწესებულების მეშვეობით. მოთხოვნის შემთხვევაში, პროფესიული სტუდენტი ვალდებულია სწავლის საფასურის გადახდის ქვითარი წარმოადგინოს უნივერსიტეტში.
- 3.9. პროფესიული სტუდენტი ასრულებს ----- პროფესიულ საგანმანათლებლო პროგრამას სწავლების საკრედიტო სისტემის გამოყენებით და ვალდებულია ისწავლოს ყველა ის საგანი, რომლებიც საკუთარი სურვილით აირჩია და რომელთა სწავლებაც სავალდებულოა. სწავლის პერიოდში, პროფესიული სტუდენტი ვალდებულია დააგროვოს თითოეული საგნისათვის დადგენილი კრედიტების რაოდენობა, რომელთა ჯამი სემესტრში 30-ის ტოლია. პროფესიულ სტუდენტს აქვს უფლება სასწავლო წლის განმავლობაში დამატებით აითვისოს 15 კრედიტი.
- 3.10. პროფესიულ სტუდენტთან, პროფესიული სტუდენტის სტატუსთან (მათ შორის, უნივერსიტეტთან აკადემიური ურთიერთობის შეჩერება/შეწყვეტა) დაკავშირებული ყველა საკითხი წყდება „უმაღლესი განათლების შესახებ“ საქართველოს კანონიდან გამომდინარე, უნივერსიტეტში დადგენილი წესის შესაბამისად.
- 3.11. პროფესიული სტუდენტი, რომელიც კანონმდებლობის წესით დადგენილ ვადაში ვერ აითვისებს პროფესიული საგანმანათლებლო პროგრამით გათვალისწინებულ კრედიტებს მისთვის სხვა პირობები

განისაზღვრება უნივერსიტეტის რექტორის № 188 § 28/04, 31/10/2011 წ (მობილობის/ ადდგენის წესით უნივერსიტეტში ჩარიცხულ და აკადემიურ დავალიანებაში მყოფ პროფესიულსტუდენტთა განსხვავებული კრედიტების ათვისებისათვის დადგენილი სწავლის საფასურის გადახდის წესის შესახებ) ბრძანებით.

4. ხელშეკრულების მოქმედების ვადა

- 4.1. ხელშეკრულების მოქმედების ვადა განისაზღვრება 1 წლით. ხელშეკრულება ძალაში შედის პროფესიული სტუდენტისაგროლოჯისტიკის ოპერატორისპროფესიულ საგანმანათლებლო პროგრამაზე ჩარიცხვის ბრძანების გაფორმების დღიდან.

5. ხელშეკრულების ვადამდე შეწყვეტის პირობები

- 5.1. ხელშეკრულება ვადამდე შეიძლება შეწყდეს ერთ ერთი მხარის მიერ ხელშეკრულებით ნაკისრი ვალდებულებების შეუსრულებლობის ან არასათანადო შესრულების მიზეზით, რითაც დაირღვა ხელშეკრულებით გათვალისწინებული პირობები.
- 5.2. პროფესიულსტუდენტის ინიციატივით ან მის მიერ ამ ხელშეკრულებით ნაკისრი ვალდებულებების შეუსრულებლობის ან არასათანადო შესრულების გამო ხელშეკრულების ვადამდე შეწყვეტის შემთხვევაში, მას გადახდილი სწავლის საფასური არ უბრუნდება.
- 5.3. ხელშეკრულებით ნაკისრი ვალდებულებების შეუსრულებლობის გამო მხარეთა შორის წარმოშობილი დავა წყდება საქართველოს კანონმდებლობით დადგენილი წესით.

6. დამატებითი პირობები

- 6.1. წინამდებარე ხელშეკრულება შედგენილია ორ ეგზემპლარად. ორივე ეგზემპლარს გააჩნია თანაბარი იურიდიული ძალა. ერთი ინახება უნივერსიტეტში, ხოლო მეორე გადაეცემა პროფესიულსტუდენტს.
- 6.2. წინამდებარე ხელშეკრულების პირობების შეცვლა და/ან დამატება ფორმდება წერილობითი შეთანხმებით და წარმოადგენს ამ ხელშეკრულების განუყოფელ ნაწილს.
- 6.3. წინამდებარე ხელშეკრულების პირობების შეცვლა და/ან დამატება, რომლის აუცილებლობაც გამომდინარეობს მოქმედ კანონმდებლობაში განხორციელებული ცვლილებიდან არ საჭიროებს მხარეთა შორის წერილობით შეთანხმებას და მხარეთა შორის ურთიერთობები რეგულირდება კანონმდებლობაში განხორციელებული ცვლილებებით დადგენილი ნორმებით.

7. მხარეთა რეკვიზიტები და ხელმოწერები

აკაკი წერეთლის სახელმწიფო უნივერსიტეტი

იურიდიული მისამართი: ქუთაისი, თამარ მეფის 59

საბანკო რეკვიზიტები: VTB Bank Georgia

IBAN:GE60VT050000009993408(Current) GEL.

აკაკი წერეთლის სახელმწიფო უნივერსიტეტის

რექტორი, პროფესორი გ. ღავთაძე

(ხელმოწერა)

ბ.ა.

სტუდენტი: